

H S G 81

cgm. 850

15. Jh.

## Wassersegen

- fol. 79a Ain ander wassersegen (rot)  
 Gesegnet seistu brunnen floß † als der  
 wasser floß der vnserm heren ihesu cristo  
 auß seiner rechten seiten floß in gotes  
 namen Amen † Hie mit sal man wasser segen  
 zu drey mal mit ainem † vnd sal das wasser  
 dreÿ mal zu den wunden werffen † In dem  
 namen des vaters vnd des suns vnd des  
 hailigen gaistes vnd sprich denn disen  
 segen (rot) (79b) † Ich bevilch dich vnn-  
 serem herren ihesu cristo vermaledicte  
 wund bei den heiligen worten vnd kreften  
 das du lassest dein fliessen sein das du  
 lassest dein riessen sein das du lassest  
 dein sweren sein das du lassest dein ge-  
 swellen sein alle vnkeuschait müsse dich  
 vor meiden es seint spinnen ader fliegen  
 ader ander vngenannt würme müssen gen dir  
 tod sein In gotes namen Amen (80a) Vnd  
 wirff aber wasser in die wunden In dem  
 namen des vaters des suns des hailigen  
 gaistes † (rot) Unsers lieben hern haili-  
 gen wunden hailten zu grunde Sie entrissen  
 noch entflossen noch nie sie schwarzen noch  
 nie geswalen vnd nie gelügck kein vn-  
 gluck zu † Also müß es dir auch wunden  
 thun In gotes namen Amen  
 vnd wurff aber wasser in die wunden †  
 In dem (80b) Namen des vatters des suns  
 vnd des hailig gaistes † (rot)  
 Unsers hern hailigen funff wunden hailten  
 zu grunde noch enflossen nie die swaren  
 noch entswollen nie vnd nie kain vngeluck  
 schluck zu den wunden Also musse auch dir  
 wunden thun In gotes namen Amen  
 vnd sprich V pater noster vnd V aue  
 maria vnsern hern leiden ~ (rot)